



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

P. Martinus Guttierrez.

urn:nbn:de:hbz:466:1-44029

bat, ærumnæ illum sensim attriuere, ac morte optatâ consumpsere.

P. Martinus Gattierrez.

Ante initam Societatem, inter prima ingenia; in Societate anno 1550. initâ, inter primæ notæ viros vitæ sanctimoniâ excelluit. In B. V. honorem feriâ quartâ, & Sabbato ieiunabat; & Sabbato anno 1573. illi Romam per Gallias eunti B. Virgo prædixit mortem intra octo dies adfuturam, cum ad B. Virginis ediculam iret cum socijs. Inde redux vnâ cum comitibus, ab hæreticis captus, percussus, illusus, & in carcere ærumnis confectus est; etiam sacris reliquijs, & sacrâ supellectile ab hæreticis indignè tractatâ, quòd dicerent; *Hispa-*

*Hispanus.
Cardeliani in Gallia
21. Febr.
1573.
atet. 49.
Soc. 23.
B. V.
Ieiunia.*

num Regem, & inquisitionem
 in sectariorum necem semper
 esse intentos. idque habuit,
 quod olim petenti B. Virgo
 annuerat, vt sine vlllo huma-
 no solatio moreretur. Ad-
 fuit eo mortuo Matrōna,
 spectabilis, quæ cadauer ni-
 tidè composuit, & videri de-
 sijt. S. Terefia, datis ad P.
 Hispaniæ Assistentem Ro-
 mam literis affirmavit, sibi
 illum à Deo in Martyrum,
 choro ostensum. Victoriæ
 in Cantabria, Sacerdoti
 (apud quem P. Martinus cū
 comitibus fuerat diuerfa-
 tus) sanctimonialis eodem
 anno dixit 21. Febr. Patrem
 è tribus vnum, eumque qui
 Deiparæ fuerit magis stu-
 diosus, hoc die in Gallia
 diem vltimū obijffe. P. Ioan-
 nes Fernādus retulit, Marti-
 num

*B. V.**Mors e.**S. Terefia.**B. V.**Mors di-
 uinitus
 indicata.*

num serenâ facie sibi cōspe-
ctum; ab eoque sibi enixè
commendatam Dei memo-
riam. Cùm ab orandi con-
tentione capitis dolore pro-
hiberetur, coram Deiparæ
immagine opem illius demis-
sè flagitavit, & summam in-
orando facilitatem, ac felici-
tatem impetrauit. In socijs
magnoperè contendebat, vt
omnibus magnæ erga B. V.
religionis studium imprime-
ret. Conspectâ in triclinio,
dum egrederetur, Dei Ma-
tris imagine, adeo exarsit, vt
in conclaue secedere prius
quàm ad aliorum consortio-
nem iret, ibique suos æstus
explicare, componereque
debuerit. S. Ioannem, S. Ma-
riam Magdalenam, & San-
ctos Beatissimæ Virgini olim
familiares, hoc nomine præ
alijs

*Præsentia
Dei.
Disce à
mortuo.*

B. V.

*Imago
B. V.*

B. V.

alijs colebat. Potens erat dicendo ad concionem: sed cum de B. V. ageret, supergrediebatur se ipsum, longè tunc se augustior. Ipsam, verò Deiparam adeò familiariter videbat, vt conspectis varijs eius imaginibus facilè discerneret, hanc vel illam, præ aliâ, Deiparæ faciem propiùs referre, magisque similem illi esse. De P. Suarez prædixit; magno illum Ecclesiæ, ac Societati décori, & emolumento futurum; eidemque persuasit, vt de B. V. enucleatè explicaret in scholis, illam omnibus omnium coelitem choris gratiâ, & gloriâ, longè superiorem esse: id quod adeò cumulatè præstitit Suarez, vt Beatissima Virgo P. Gutierrezio eâ ob rem deinde gra-

P. Suarez.

e
f
l
f
g
t
f
p
L
n
P
p
te
re
c
to
ra
la

gratias egerit. Sub eiusdem
pallio vidit Gutierrez uni-
uersam Societatem colle-
ctam, & nostros, velut pullos,
sub Dei Matris alis prote-
ctos. Eadem illi sub exa-
mine de suorum labeculis
sollicito cum præesset, in
lance argenteâ cor exile o-
stendit in duabus sanguinis
guttis penè submersum, &
trepidum; & hoc aiebat es-
se ipsius cor. Deinde am-
plum aliud, quod erat cor
Dei, qui nullis mortalium
noxis perturbatur. Cum
Placentiæ Rector esset, ac
primâ Iulij de B.V. Visitan-
te officium diuinum recita-
ret, Beatissima Virgo illum
certiorem fecit de Coadiu-
tore quodam ad negotia fo-
ras misso à procaci muliercu-
la tentato. Vnde illum sta-
tim

*Sub pallio
B. Virg.*

Examen.

Cor.

*Superio-
res.*

Oratio.

1. Iulij.

tim redire iussit. P. Franciscum Villanouam, suū olim in spiritu Magistrum, diuinitus didicit, breui post mortem, Cælo esse receptum.

S. Franciscus.

A S. Francisco, & alijs coelitis familiariter visebatur.

Intellexit; omnes, quorum ipse Rector erat, prædestinatos esse ad gloriam. Carolo Nouitio cuidam in culina

tacitè cogitanti; Ecquid erit mecum annis futuris?

Respondit: id cum illo fore, quod Deo videretur. Nostrum quendam ægrum amplexu persanauit. Cùm æger

verni ieiunij concionibus imparem se fore persentisceret, rem omnem in Be-

B.V.

tissime Virginis manibus deponerebat, vt ipsa faceret conciones.

Conciones.

Tum mirificè se robustum sentiebat, hætebatque

que

que ceruices peccatorum, quas ne celebratissimi quique hæctenus poterat emol-
lire. Mirâ propensione ser-
uiebat ægrotis in Nosoco- *Charitas.*
mio; & alijs idem persuade-
bat. Dæmon aliquando Bea-
tissimæ Virginis effigie illi *B.V.*
volens illudere, deprehen-
sus ab illo, & victus est. Dis-
suadebat nuptias foeminæ
castitatis voto illigatæ; id-
circò quidã illum foedi sce-
leris accusauit coram Syno- *Castitas.*
do Salmanticæ anno 1565.
Sed fraudem Synodus de-
prehendit: & Martinus à
Synodi Patribus tantis est
laudibus cumulatus, quan-
tas aiebant suffecturas vel
Sancto alicui in Cœlitum
numerum ritè referendo.
Eam ille sinistram de se fa-
mam ad Beatissimam Virgi- *B.V.*
nem

Calünia. nem retulit æquo mœstior :
 & ecce adfuit illi Virgo Ma-
 ter ; & quid est , inquit , quod
 angeris ? An nescis Filium
 meum , & me , in ijs , de quibus
 accusaris nunquam esse à te
 offensum ? Quid ergo est , quod
 te affligit ? sic animo tran-
 quillato respiravit .

P. Heruanus Malnefius .

Gallus.
Cleraci.
 21. Febr.
 1622.
atat. 62.
Soc. 25.

Præstantis pro religiosa
 disciplina domi , foris verò
 pro fide Catholica zeli vir .
 eòq ; nihil sibi parcebat , vt ad
 amissim seruaret domi sin-
 gula ; foris autem vt rem
 Catholicam labore quanto
 posset maximo promoueret .
 In castris , alijsque missioni-
 bus insignitè strenuus , illas
 pedes obibat . Amabat , &
 amabatur cum Nostros re-
 geret ; secularium quoque
 animos mirificè sibi deuin-
 ciens :

Fides .